

张船山判牒

清代名吏

張船山判牘

襟霞閣主編

著者小史

張船山。名問陶。遂甯縣人。乾隆進士。以詩古文名家。書畫兼佳。書法剛勁。畫學徐青藤。詩尤絕佳。有青蓮再世之目。官山東萊州府知府。政聲卓著。爲一時冠。蓋張公雖喜閑情。而宗理學。且熟於歷代史事。凡古之所謂循吏良吏者。無不熟諳其施行之方法。而採精擷英。以臨其民。宜其有神明之目。無冤抑之事也。且工於文詞。其所著判牘批詞。均斐然成章。爲後世稱誦。蓋循吏而兼儒林也。

新編
評註

張船山判牘菁華

目次

無賴窺浴之妙判

姑嫂通姦之妙判

夫婦失和之妙判

兄弟互毆之妙判

索債口角之妙判

圖賣兄妾之妙判

爭奪遺產之妙判

撮合鴛鴦之妙判

僧尼成姦之妙判

報仇殺人之妙判

私設娼寮之妙判

套良作妾之妙判

背夫私逃之妙判

控媳別嫁之妙判

私造假銀之妙判

因謔致命之妙判

主人戀婢之妙判

賣姊逼死之妙判

拒姦殺人之妙判

貪贓枉法之妙判

遺失窖金之妙判
凌虐翁夫之妙判
縱子作賊之妙判
鷄姦自首之妙判
倒閉錢莊之妙判
店夥捲逃之妙判
新娘殺人之妙判
奴姦主婦之妙判
駁詰命案之妙批
老翁娶婦之妙批

雅賊偷花之妙判
縱女行姦之妙判
惡吏誣盜之妙判
項凶賣命之妙判
侵吞公款之妙批
一女兩嫁之妙批
妾殺大婦之妙批
冒認本夫之妙批
誣控強姦之妙批
兄弟爭產之妙批

新編評註

張船山判牘菁華

虞山襟霞閣主編纂
衡陽秋痕樓主校閱

無賴窺浴之妙判

處女楊二姐。夏日在房洗浴。比鄰有無賴子李大根。踰牆窺之。爲楊二姐扭控到署。張船山遂判令李大根將楊二姐洗浴水喝乾。以儆此種判法。令人忍俊不禁。其判詞云。

訊得楊二姐。蕙弱質。小姑猶是無郎。而李大根豺虎性成。色膽竟思獵豔。往日之垂涎已久。恨無嫌隙可尋。一朝之機會忽來。詎肯平空放過。禍緣楊二姐羅襦乍解。背人悄試蘭湯。繡帶旋鬆。隨手拋將。藕覆添兩頰之紅潮。徘徊顧影。縐一彎之青黛。宛轉浚波。而乃水聲之輕。蘸頓驚隔院。登徒遂謂香澤之堪親。遽效踰牆宋玉。寺非普救。無有張生地。異巫山不逢神女。紅窗六扇。欲窺浴兮。何難白屋三間。卽偷香兮。亦易看含春之蓮葯。但有荷荷。豔出水之珠胎。是真咄咄。奈此狡童嚇破。犀娘小膽。憐彼淑忍。教鼠輩軒眉。扭赴訟庭。乞伸國法。含垢忍辱。似怨還嗔。

本府疾惡如仇。愛民如子。若不從嚴懲辦。何以正風化而匡人心。自當照律科刑。聊以安良善而戒來者。惟是風流罪過。未爲入幕之賓。允當菩薩心腸。且放開籠之鳥。應判令李大根將楊二姐浴湯一飲而盡。識如蘭之氣。狂奴當亦無辭充惜玉之心。巨盞無妨引滿。此判。

私設娼寮之妙判

搗婦李黃氏私設娼寮。容留女子陳阿玉。袁琴仙。張大妞等賣淫。破獲到案。船

山先生援筆判云。

審得李黃氏招蜂惹蝶。居然仕女班頭。倒鳳顛鸞。宛爾氤氳使者。看入手之青蚨。便可開門延客。傾盈杯之紅友。時爲媚態。向人遂至枇杷花下。常來入幕之賓。萬里橋邊。不少問津之侶。是真淫窟。誤盡蒼生。嗟彼癡兒。揮空白鎚。陳阿玉。袁琴仙。張大妞等。或蓬門弱質。因貧入賣笑之場。或睚眦比匪。人一誤墮。修羅之獄。母也。天只精皮膚時。來巨棒之抽。人之無良。小鬼頭難禁春心之動。可憐火坑。安有青蓮已入污泥。詎完白璧。然而花開薄命。害祇及於一身。草長含羞。毒將被於四境。蓋

娼女錦衣玉食。豈知稼穡之艱難。而良家夕織晨耕。不及勾欄之逸樂。勢必爭相炫耀。廉恥將爲之蕩然。或竟羣起效尤。風紀更從此難問。而况塗脂抹粉。鬥顏色於今朝。足令喫醋撚酸。起風波於異日。防微杜漸。宜爲未雨之綢繆。酌理衡情。聊示下官之薄罰。李黃氏着杖一百。遞解回籍。不准再來。陳阿玉袁琴仙張大姐。一併發交官媒擇配。從此洗心革面。不妨婢學夫人。倘再賣俏迎奸。立即從嚴究辦。房屋發封。餽奴開釋。嗔鶯叱燕。酸秀才莫道無情。逐鷺留雞。醋娘子料應撫掌。

叔嫂通姦之妙判

秦肇榮商人也。時往江南販運貨物。其妻白氏空牀獨宿。枯寂不耐。乃與肇榮之弟肇貴通。某日白晝續歡。被秦肇榮雙雙捉獲。扭喊到署。張船山略加訊問。卽下判詞。文語雜糅。其言至趣。錄之如次。

咄爾秦白氏。既非新婦。妄想配參軍。秦肇貴不是陳平。竟然盜長嫂。研羅帳裏。可記得倫常名教。兄長房中。須不是巫峽陽臺。鬧出者般笑話。兄弟同科。做些什麼事情。叔嫂並枕。衣冠禽獸。春光漏洩。奈何魑魅魍魎。國人皆曰。可殺。况在青天白。

日摩登抱了。阿難學他送暖。偷寒。賈午接將韓壽。從被窩中拖出。到公堂。更有何辭。在行姦所。捉獲於法。例自無寬恕。如天色胆。聽隸役結實打來。做厥淫心。看本府判詞之下。秦肇貴。秦白氏均着當堂重責。秦肇貴并須枷示頭門。飽受衆人唾罵。秦白氏已犯七出之條。照律斷離。仍追秦肇榮聘娶財物具領。另娶。此判。

套良作妾之妙判

余永興中年失偶。與娼婦沈小脚結不解緣。雙宿雙飛已久。詎有傅金氏邵周氏等。見余無妻。乃爲陸潤卿之妹作伐。曾用玉鐲一雙爲聘禮。訂期完娶。後陸潤卿探知余已有姘婦。其妹前去不啻作妾。因而涉訟。卒得船山先生爲之判離焉。

據陸潤卿供。去年二月間。傅金氏邵周氏來稱。有余永興。向以教讀爲生。願爲胞妹作伐。傅金氏並言在伊家完婚。小的當發草八字一張。收到玉鐲一雙。言明俟訪查余永興。若果行止端方。再行過禮。嗣於年底。傅金氏來約喜期。訂於是月十九日。在四面街沈小脚家完娶。小的邀親友查明。沈小脚著名賣娼爲生。與余永

興儼同夫婦。是以不願結親。求爲作主。質之余。永興供稱。在沈小脚家居住。不諱。惟稱是伊表嫂此案。既係聯結姻親。豈有僅憑一草八字之理。既未立有婚書。而欲諧百年偕老之好。賡三星在戶之章。於理既不可通。於禮亦嫌未合。陸潤卿恥與余永興聯姻。吳越之勢已成。朱陳之誼難合。且沈小脚訪得實係娼家。余永興既稱表嫂。那可同居。以娼寮爲家。穢聲早播。以民女爲妾。居心匪良。本非穠李夭桃之匹。妄生左擁右抱之心。若勉爲伉儷之好。是必生瓜李之嫌。應令陸潤卿爲其妹另擇佳壻。其所受玉鐲針線。着卽悉數退還完案。

夫婦失和之妙判

訊據羅玉生前憑媒妁娶朱仇氏之女爲妻。過門後。畫眉窗啓。于喁之樂。無窮結髮恩深。伉儷之情。彌篤。嗣因羅玉生家所畜婢女秀英。常以細故播弄。是非。妻非貝錦。聽讒口之時。訇薏苡明珠。亦流言之可畏。致朱氏不得舅姑及其夫之歡心。作羹洗手。屢聞姑惡之啼。低首下心。猶惹檀奴之怒。屢遭詈罵。遂返母家。依傍其母朱仇氏。過活。迭經親戚爲之勸解。朱氏始斂怨來歸。含顰入戶。後朱氏因懷孕。

不耐勞苦其姑與夫猶不相諒責其懶惰不假辭色朱氏遂重返母家次年在母家生一子阿侯懷裏乍試啼聲少婦盧家重看笑靨羅姓以朱氏業已生子願意接回朱仇氏以其夫婦已爰占脫幅義等大歸朱氏亦不願再歸羅玉生乃以意圖改嫁等詞稟控到署查朱氏自到夫家尙循婦道從前之話諄時聞無非細故今日之重收覆水亦復何妨矧因生子羅姓既已盡釋前嫌自此言和朱氏亦宜不念舊惡羅玉生願從優相待朱仇氏本非意欲悔婚合令兩造當堂具結和好如初朱氏母子斷交羅玉生領回完聚婢女秀英薄施懲責以爲播弄是非者戒并着羅玉生從速爲之擇配庶免再起訟端此判

背夫私逃之妙判

訊得鳳張氏因其夫鳳岐山性情暴躁時被毆打因此夫婦不和某日託言歸甯私自逃走託姚德和代賃駱寡婦房屋一間居住並由姚德和代給租錢駱寡婦因不知背夫私逃實情故而允借嗣據鳳岐山因其妻日久不歸偵悉鳳張氏住處稟經本署派差獲案鳳張氏供認不諱查律載妻背夫在逃窩主同罪鳳張氏

合。照。背。夫。私。逃。倒。處。斷。姚。德。和。雖。訊。非。拐。帶。惟。既。知。鳳。張。氏。係。屬。私。逃。何。得。代。爲。
賃。屋。醉。翁。之。意。未。必。在。酒。應。比。照。窩。留。問。罪。駱。寡。婦。無。干。釋。放。此。判。

兄弟互毆之妙判

訊。得。郝。燕。山。郝。鶴。山。兄。弟。二。人。同。爲。竹。工。生。理。日。久。相。安。並。無。口。舌。禍。緣。郝。燕。山。
兄。弟。向。有。祖。遺。房。產。並。未。分。析。每。年。租。金。二。十。千。文。兄。弟。二。人。輪。流。收。租。去。年。適。
輪。及。郝。鶴。山。收。管。房。客。欠。租。未。清。今。年。四。月。始。將。舊。租。補。給。清。楚。迨。燕。山。往。收。今。
年。新。租。房。客。以。交。鶴。山。爲。詞。藉。以。延。宕。其。實。鶴。山。所。收。乃。係。舊。欠。並。非。新。租。燕。山。
爲。房。客。所。朦。回。家。向。乃。弟。理。論。鶴。山。告。以。所。收。實。係。舊。租。燕。山。以。爲。欺。已。始。而。齟。
齬。繼。而。用。武。燕。山。向。廚。下。覓。得。鐵。鏟。一。把。猛。擊。鶴。山。鶴。山。用。手。阻。格。倒。跌。撞。傷。頭。
部。及。手。指。血。流。如。注。互。扭。赴。官。業。經。當。面。對。質。據。各。供。認。前。情。爾。郝。燕。山。郝。鶴。山。
既。係。同。胞。兄。弟。平。日。友。于。甚。篤。無。有。毫。末。微。嫌。甘。苦。同。嘗。頗。識。倫。常。大。義。詎。以。細。
故。竟。起。爭。端。舌。戰。不。休。繼。以。毆。擊。天。使。鶴。山。所。收。之。租。若。係。今。歲。新。租。則。既。非。值。
管。焉。可。亂。收。加。以。扑。責。分。所。宜。然。乃。鶴。山。收。係。舊。租。並。非。越。位。燕。山。聽。房。客。一。面。

之辭輒敢用武萬一阻擋不及或致非命爾燕山上則顯違國法下則難對父母和氣致祥古有明訓乃弟卽有不是不妨反覆開導俾其自新何況事屬子虛竟施此種毒手實爲爾燕山不取至爾鶴山亦不能諉爲無辜兄長呵斥理宜忍受卽有抱屈可俟其心氣和平之後善爲說辭不然可覓房客三面對質何爲於乃兄盛怒之時相持不下爾之愚昧誠屬可憫幸而對簿公庭各知悔恨相對哭泣求恩曲予矜全委婉稟陳隱若互相庇護念爾爲兄者實緣旁言之誤聽爲弟者不過肆應之無方兩非有意尋仇律可原情減宥茲由郝燕山請將郝鶴山開釋卽着當堂領回兄兄弟弟各安本業以爲生洩洩融融共享皇家之雨露若再因財起釁逞忿召凶則王法森嚴決不能爲爾等寬也切切此判

控媳別嫁之妙判

判得沈石氏有子一英曾憑媒聘邵培元之女爲妻未過門而一英病死是一英與邵女未爲六禮之迎難遂雙飛之願夫者尙不可謂夫媳者亦曷云是媳今邵培元將女另嫁原屬理直氣壯沈石氏何得輒爲阻撓率爾稟控夫未婚夫死願

否守節應一聽本人之主見。若強其所難，不特大乖天地之和，尤恐將貽帷薄之恥。且據稟稱，邵培元家財萬貫，夙有財主之稱。試問財主不財主，與女兒改嫁何關？弦外有音，恐爾不免圖得意外之財耳。惟既有聘禮白銀十五兩，邵培元不早償還，亦屬非是。應令退還，以清糾葛。沈石氏此後不得再向邵培元纏繞。此判。

索債口角之妙判

判得謝泰和張啓華彼此素識，因營商有款項往來。謝泰和實欠張啓華貨價銀四兩。去歲大除夕，張啓華遣其孫索討舊賬，出言不遜，致相口角。移時，張啓華之子小華聞信，踵至，遂相鬥毆。謝泰和之弟福奇上前排解，反被張小華用拳毆擊，傷及口脣，皮破血流。經街鄰熊天寶等勸解，各散。控由本署傳訊查律，載手足毆人成傷者，問罪該民張啓華。遣其孫向謝泰和索債，出言不遜。張小華踵至，輒先下手毆傷謝福奇口脣，皮破血流，殊屬非是。謝福奇傷經平復。張小華合將以手足毆人成傷律問罪。謝泰和欠張啓華銀四兩，卽飭當堂清償。結案。此判。

私造假銀之妙判

訊得耿阿仔務農度日。母年七十。兄弟二人。耿阿仔居長。前年不記日期。耿阿仔與素識未獲之蔣良相遇。具道貧窮。難以度日。等語。蔣良起意。偽造假銀。使用耿阿仔。應允蔣良。即買得鐵槽一個。銀葉子數張。金麵一包。在路過破廟地上開爐鑄造。耿阿仔幫同燒火打炭。傾成錠。鏤用銀皮包好。共造成假銀六錠。先後賣給過路不識姓名人。得錢花用。旋經訪獲。並起獲假銀等物。當即提訊。據供前情。不諱。耿阿仔因貧難以度日。自宜克勤克儉。乃覬覦非分。輒敢聽從素識未獲之蔣良。偽造假銀。開爐鼓鑄。用銀傾成錠。鏤外用銀皮包裹。混用得錢花用。殊屬胆大妄爲。目無法紀。應按律載。偽造銀錠。分別首從。擬徒。姑念無知愚民。因貧犯法。減一等處。以從犯之刑。起獲假銀等銷燬。此判。

圖賣兄妾之妙判

訊得許金桂有一妻一妾。不幸身故。其胞弟銀桂。因見兄妾。尚有姿色。且遺產亦尙豐厚。遂以搬回同居。爲詞。擬奪管兄產。圖賣兄妾。兄妾吳氏。潛歸母家。抵死不肯與夫弟同住。許銀桂乃以吳氏之兄財林圖賣其妹等詞。稟請究辦。訊據吳氏。

供同前情。且謂自願改嫁。許銀桂蠶。日豺聲顯。非善類。詢諸鄰里。皆謂其不務正業。貧且無立錐。試問將兩嫂搬歸之後。無以治生。非垂涎兄產。及吳氏少艾。可以賣錢。而何兩嫂不願。不可勉強。許銀桂所請不准。吳氏應聽其兄。吳財林主婚。改嫁此判。

因謔致命之妙判

訊得曹家慶與黃仁亮素好。無嫌彼此。同受僱於一興園飯館。傭工時常戲謔。黃仁亮時患頭暈之病。曹家慶戲稱爾思家裝病。黃仁亮以欲同曹家慶之妻睡宿之言。回謔曹家慶。用手將黃仁亮推仆坑上。撞出鼻血。並掙傷左肋。黃仁亮起身還推曹家慶。用拳傷其右腮。頰黃仁亮復向撲推曹家慶。閃側復從身後力推。遂致黃仁亮仆跌坑沿。磕傷肚腹。至六月初三日。因傷殞命。報由原縣驗屍。訊究前情。將曹家慶依戲殺律擬斷。在案。經屍親上控。延未清結。夫戲殺云者。兩人皆知所爲。足以相害。而情願和同。以爲之。因而致傷人命也。律註以堪殺人之事爲戲。如比較拳棒之類。二語其義自明。今曹家慶因黃仁亮用言戲謔。先將其推倒。受

傷。繼。復。因。黃。仁。亮。回。推。又。用。拳。將。其。格。傷。迨。被。再。撲。該。犯。既。已。閃。側。乃。復。從。後。推。送。致。將。其。仆。跌。受。傷。身。死。一。推。一。撲。再。接。再。厲。雖。未。互。相。罵。詈。而。爭。鬥。情。形。已。無。辭。可。爲。之。曲。解。安。能。以。衅。起。戲。謔。遂。強。附。爲。戲。殺。該。縣。將。該。犯。依。戲。殺。律。處。斷。未。臻。平。允。應。卽。依。律。載。鬥。毆。殺。人。者。不。問。手。足。他。物。金。刃。擬。絞。監。候。惟。念。衅。起。戲。謔。死。由。推。磕。應。酌。入。秋。審。緩。決。屍。棺。飭。埋。此。判。

爭奪遺產之妙判

滕國柱。滕家主等。控告其五服外族叔滕君立。所遺財產有被外姓花銷情事。業經提訊。據供。滕君立有子二。長富發。娶妻龔氏。有子滕小玲。龔品高。係龔氏胞兄。湯秀芳。係龔氏表兄。次貴發。早故。遺妻顧氏。無子。先年龔氏與顧氏構訟。由縣控府。經前任知府趙判。令滕小玲兼祧在案。滕富發。滕顧氏先後身故。其子滕小玲。經商在粵。年久未回。亦無音信。聞人傳說在瓊州病故。亦有云在途次身卒。說雖各異。皆無的信。滕富發。故後所遺銀錢。經龔氏手買有壹千伍百捌拾伍兩銀田。業一契。取押佃銀壹百零肆兩。并源康當股本壹股半。龔氏旋即鄉居。湯秀芳因。